

Tuesday, December 2, 2025

Time - 2:30pm - 2:35pm

AKASHVANI AIZAWL
REGIONAL NEWS UNIT
(MIDDAY)



PARLIAMENTARY FLOOR LEADERS MEETING

Nimin atanga tan Parliament Winter Session inbuatsaihna atan nimin piah khan Parliament Annexe Committee Room ah All Parliamentary Floor Leaders meeting neih a ni a. Thutkhawmah hian Mizoram MP pahnih ten thu an sawi.

Lok Sabha MP Pu Richard Vanlalhmangaiha chuan Sixth Schedule hnuai awm Autonomous District Council chhunga MDC thlan tlin ten anmahni party kal sana party dang an zawm thin avangin Autonomous District Council sawrkar a ding nghet thei lo tih sawiin, North East State hrang hrang ADC chhunga MDC te khuahkhirhna dan Anti Defection Law siam tul a tih thu a sawi.

Rajya Sabha MP Pu K.Vanlalvena pawhin thu sawiin India ram state hrang hrang atangin Delhi ah Parliament Sessiona thu pawimawh rel tura an kal khawmin rorel mumal awm lova nitin House Adjourned a ni reng thin chu ngaimawh awm a tih thu leh Parliament tizahawm lo tu a nih thu a sawi a. Kumin Monsoon session ah pawh nitin Chairman in House a adjourned thin thu leh ni khatah vawi thum aia tam te house adjourned a nih thin thu sawi chhuakin, tun tum Session ah chuan member tu pawhin eng thil pawh auchhuah pui se la, Chairman in house adjourned lovin session hi min kal tuan pui thei se tul a tih thu a sawi chhuak bawk a ni.



NO TOLERANCE DRIVE

Ngaihdamna tel lova lirthei endik runpui, No tolerance drive chu nimin atang khan Aizawlah kalpui a ni a, lirthei dan bawhchhia 119 man a ni.

No tolerance drive hi Treasury Square-a Dak Inpui bulah leh Civil Hospital Aizawl peng bulah neih a ni a, hetah hian lirtheite chu lehkha pawimawh an neih kim leh kim loh endik a ni a. Nimin bikah hian lirthei 333 endik atangin dan bawhchhia 119 man an ni a, an zinga 91 chu a hmuna pawisa chawi tir nghal an ni a, midang 29 chu an Document hren sak an ni.

Dan bawhchhia zingah hian Insurane fel lo an tam ber a, Driving License nei lo-a lirthei khalh pawh an awm nual a, Pollution Certificate nei lo chu an awm mang lo a, mi 91 te sum chawi tlingkhawm chu cheng nuai 1, sing 2 leh 500 a tling a ni.



ONLINE BORDER CHECK POST MODULE

Mizoram-ah awlsam leh dik taka lirthei entry tax lakna tur Online Border Check Post Module hmang tan dawn.

Mizorama Online Border Check Post Module hman tan tur pual hian nimin khan Transport Director Er R Lalrammawia hoin Transport Directorate Conference Hall-ah hun hun hman a ni a, Director chuan Mizoram Transport Department in mipuite tana zangkhai, dik leh awlsam zawka lirthei lutah chhiah lak a nih theihna turin theihtawp chhuahin hma a la a ti a, NIC nen tangkawpin tunah hian Online Border Check Post Module hman theih tura peihfel ani tih sawiin Lirthei hmanga zin veivak mipuite leh sumdawng lirthei State dang atanga lo lut te tan awlsamna a thlen an beisei thu sawin, Mizoram State-in State changkang zawkte tihdan anga tihdan thar an hmang thei tur chu Transport department in lawmawm antih thu an sawi.

State dang atanga lirthei (Commercial Vehicle) lo lutte chuan state-an rawn luhin Entry Tax an chawi a ngai a, chu entry tax chu Enforcement Check Gate-a duty ten manual receipt hmangin an lo la thin a, hei hi Mizoram sorkar chhiahah chhunluh a ni leh thin a. Border Check Post Module hi computer hmanga common portal kaltranga online-a awlsam leh dik taka entry tax lakna tur a ni.

Mizoramah hian he Border Check Post Module hmanna tur hi hmun hnih - Vairengte Enforcement Check Gate leh Kanmun Enforcement Check Gate ah te a awm a. He hmunah hian state dang lirthei (Commercial Vehicle) lo lut reng rengte chu awlsam takin entry tax an lo la zel tawh dawn a, Kumin November thenga India rama Checkpost Module hmang tawh state 27 zingah Mizoram hi a tel dawn ta a ni.



DRUGS SEIZURE

Excise & Narcotics Department chuan (Pathianni zan) dar 6:45 khan Falkawna ZMC&H Gate bulah Methamphetamine Kg. 3.990 (mum 40,000) leh a neitu-a puh mi 2 - Malsawmthara (kum 30) Tahan Myanmar, tuna Tuikhurhlu-a khawsa mek leh Jerry Lalruatkima (kum 27), Aizawl Electric veng, tuna ZMC&CH, Falkawna khawsa mek ni-a inchhalte an man.

Excise Duty te hian Methamphetamine hi State pawna hralh tum a nih mek laiin an man a, a phurhna atana an hman FORD Ecosport Car pawh an hren sak nghal a, A neitu-a puhte hi ND&PS Act hmanga thubuai siamsak an ni.



FERTILISER SHIPMENT SEIZED

Siaha District ah kumin chungin fertiliser bag 720 man tawh a ni.

Siaha District Agriculture Office atanga thudawn danin kum in kum kal mek ah leitha ramdanga tawlhruk tur bag 720 man tawh a ni a, bag khat hi kg 45 tluk a ni a, Heng an man khawm te hi bag khatah cheng 200/- zel a lila a nih thu dawn a ni.

Hetih mek lai hian, District Magistrate lam chhinchhiah dan in, heng fertilisers Essential commodity act 1955 zulzuia man an nia, an mi man te hi mi pariat niin pawisa an chawitir tlingkhawm chu ₹41,700 a ni bawk.



PM MODI

Prime Minister Narendra Modi leh Sri Lanka President Anura Kumar Dissanayake chu ram aiawh a inbia in mi harsa zawkte chhanchhuah leh chhawmdawlina kawng a Operation Sagar Bandhu kalpui mek chu thawhdunzel an tum thu an sawi.

Pu Narendra Modi chuan India chuan vantlang rawngbawlina chhawmnun zel a tum thu leh mi harsa leh changhai zawk te tanpui tur a ke a pen zel tur thu a sawi a, Sri Lanka President chuan chhian an tawh a India in a puihna ah lawmthu sawiin, chhawmdawlina hmanrua rang tak a an pek avang pawh in lawmthu a sawi bawk.

